

Visoki predstavnik pozdravio preporuku Evropske komisije



Visoki predstavnik Christian Schmidt pozdravlja današnju odluku Evropske komisije da preporuči dodjeljivanje statusa kandidata Bosni i Hercegovini.

Preporuka Evropske komisije još jednom potvrđuje opredijeljenost Evropske unije za integracijsku perspektivu Zapadnog Balkana, a posebno Bosne i Hercegovine. BiH već ima rezervirano mjesto u velikoj evropskoj porodici.

Ova jednoglasna poruka iz Brisela posebno je važna sada, kada svjedočimo kršenju međunarodnog prava a suverenitet i teritorijalni integritet nezavisnih država se dovodi u pitanje ili ugrožava.

Na liderima i institucijama BiH ostaje odgovornost da urade svoj dio posla. Ključni je prioritet brza implementacija izbornih rezultata i formiranje vlasti kako bi parlamenti i druge nadležne institucije mogle odlučno krenuti sa ispunjavanjem uslova za neometan nastavak puta BiH ka punoj integraciji u EU.

To će zahtijevati zajednički angažman svih u BiH. Ali krajnji cilj je da mlađe generacije, bez obzira na nacionalnu pripadnost, žive u Evropi bez granica, zaključio je visoki predstavnik.